

LANGREANOS DE HONOR

Pregón de JOSÉ LEÓN DELESTAL, 1977.

Fái '1 añu 'n talu díe como esti
falábamos n'a llingua de Castiella,
per ser la qu'avezamos a emplegar
n'aquestes xeres del pregón de fiesta,
quiciaves pa fatiar d'homes de lletres
y d' enmiestar per bien la parpayuela.

Ello fói que magar tala falancia
entamara a esparder n' esta campera,
furóme 1' alma dientro, fecha escayu,
la dubia de si tal facer debiera:

- ¿Ruxe bien, n' esti sitiu y n' esti díe,
baxo esti cielu y' enriba esta yerba,
al empar d' esa ermita
y delante la xente la mió tierra,
la llingua que Cervantes
fizo de toes reina...?

Mialma, a la voz que así entrugaba,
otra más fonda ansina rispondiera:

- ¿Ruxe bien, pos xamás fala tan noble,
de tantu ilustre y fama xusta y. neta,
ruxera mal en cualisquiera parte,
siempre qu' España juera.

Pero 'quí, n' el Carbayu,
ente '1 murmullu de la verde fueya
y el bisbis cantariegu de los páxaros,
ruxe mucho meyor la fala nuestra,
la que tous deprendimos, melguerina,
cuando guajes, de llabios de la güela;
la que falaben al son del martiellu
los canteros qu' alzaron esta ilesia,
los qu' un díe afallaron fechu roca
el pan centenu y el quesín d' oveya
que naguaben rucar pa la so fame,
cuando taben iguando la capiella
n' un llugar per destintu
al mesmu 'n que la Virxe apareciera
arrodiada de lluz y cantarinos
enriba del carbayu más llucíu de toa la carbayera.

W
W
W
.
L
A
N
G
R
E
A
N
O
S
E
N
E
L
M
U
N
D
O
.
O
R
G

LANGREANOS DE HONOR

Pregón de JOSÉ LEÓN DELESTAL, 1977.

Siendo ansina, ¿qué muncho que vos fale
n' el bable nuestro al pregonar la fiesta...?
si el bable, mialma, ye la meyor llingua
pa falar a la xente la mió tierra
y non la atoparéis más dulciquina,
más cantarina y más amorosiega
pa decí-i a la Virxen les tenrures
que la fé y el amor en xustaféria
van llabrando-i n' el corazón humanu
como llabra 'n caxellu miel la abeya..?

¡ Cómo nagua mió voz la del xilgueru
qu' allá n' el picalín de 1' arbolea
enduviella cantar y más cantares...!
¡ Cómo nagua el son son de la reguera
que, con suavor de sospirar de xana,
esnidia braña abaxo ente la yerba...!
¡ Y el aliendu del aire ente les fueyes...!
¡ Y el afalagu blandiu de la ñebla
amorosando los praos emplunos,
que sube y baxa y en tóo s' enguedeya...!

Eso y abondo más en' a mió voz cantara
y más poco que nada tóo juera
pa iguar el cantu que a la Virxen debe
tou '1 que por tener fé 'n Dios eré n' Ella.
¿Qué fará entós el probiquín copleru
metíu a pregoneru de la fiesta...?
Pocu ye lo que a clii se i algama,
pos el falar de la Virxen ye xera
n'a qu' el más llistu remanez en fatu
y el que más falancieru ye, empapiella.
Por eso dexo a un llau la mió xiblata
pa rezái a la Virxen lo que i reza
el pueblíquín crestianu dende '1 díe
en qu' el Arcánxel amiyó a so vera
co'l anunciu de qu' el Spritu Santu
faría nial en Ella...

LANGREANOS DE HONOR

Pregón de JOSÉ LEÓN DELESTAL, 1977.

- Dios te salve, María del Carbayu,
que de gracia y amor tas perenllena,
el Señor ye contigo y bendita Tú yes
ente toes les muyeres de la tierra
y benditu ye'! frutu qu' en Tí añera.

Santa María del Carbayu,
Madre de Dios y de la xente nuestra,
ruega a Dios por Llangreu
y fái que ñunca de Tí s' escaeza;
que los tos güeyos misericordiosos
en xamás se separten de la cuenca
p' ahumar con tó lluz el so destinu
y mantenelu llibre de llaceria,
llimpu ente la llamarga,
clariquín n' tiñebla.

Fái que los hlangreanos,
viejos y mozos y tamién reciella,
n'a tó fé y n'el to amor atopen jueu
p' amaso ente ellos y qu' el valle sea
garapiellu de xente que trabaya
en paz y qu' en paz vive y se respeta,
ca ún co'l so calter,
ca ún co'la so idega...

Que '1 orbayu de les tos bendiciones
non dexa de moyar almes y tierra:
les almes, pa que guañen en elles les bondaes,
la tierra pa qu' el odiu ñunca floreza n' ella.

Tamién tó de falate, mió estrellina,
de dos homes que hoy tan equí, n'a fiesta,
de los que habría que falar a fondu
perque ye de xosticia qu' ansina se fixera.

Unu ye '1 llangreanu d' esti añu
- llangreanu d' honor la placa reza -
esti Xuan Lluís Iglesias Prada,
ñaciu n' ista cuenca,
home illustrau y de saber abondu
y d' abondu cariñu haza só tierra,
qu' esguiló a un altu puestu n' el Gobiernu,
non por polítiques si non por sapiencia.

LANGREANOS DE HONOR

Pregón de JOSÉ LEÓN DELESTAL, 1977.

Non se fizo rogar cuantes que púdio
n'el Menisteriu Educación y Cencia,
p'algamar un puñau millonzucos
con que 'nsiñar meyor a la reciella
de Llangreu. ¡Ahí tá esi Estetutu
Politénicu de La Felguera.. !
¡Ahí tá sobre tó esi Colegiu
n'el que van a 'ducase con pacencia,
munchu amor y mil téuniques modernes
los rapacinos de tóa la cuenca
que ñacieron los probes con dalgún
tipu de deficiencia
mental. ¡Non hay n'el mundiu obra más grande
qu' arrincar a esos neños de tamaña llacería,
iguándoios esnales pa qu' entamen
el vuelu que meyor ios apiteza!
¡Gracies, Xuan Lluís, en nome d' esos neños,
de los sos pás y de la cuenca entera!
¡Gracies, Xuan Lluís, llangreanu netu,
naide 'n vagar tan curtíu fixo llabor tan güena!

Y de llabor falando non sería
nun xusto fin cabal qu' escaeciera
al home que bregó porque 'sta ermita
del Carbayu tan guapa pero vieya
surtiera de les ruines en que taba
remocicá y llucía que da gloria de vela.

Don Anxel fói el cura que lo fizo
y hoy que Don Anxel la parroquia dexa
bono ye qu' esti pueblu lo ricuerde
y n'o fondero 1' alma i lo agraeza,
que la Santina bien agraeció
y lo tien, como preba
el que tu haigan nomao direutor
del Saminariu de la ilesia,
esi güertín floríu de vocaciones
onde tantu rapaz astudia y reza
pa ser co'! tiempu curiquín de Cristu
que fái al mesmu Dios baxá a la tierra.

A Don Anxel, la Virxen del Carbayu,
agraecía per lo que aquí fixera
únvialu agora a pastoriar la xente
del Saminariu qu' en Uvieu s' asienta.

LANGREANOS DE HONOR

Pregón de JOSÉ LEÓN DELESTAL, 1977.

¡ Bon pastorín allí será Don Anxel
porque con elli a la Santina lleva!

Gora, Virxina, torna esos tos güeyiquinos
a tous que nos xuntamos a to vera,
encesu '1 corazón d' avemaríes
y namoraos de la to guapuzá.
Fái qu' empués de rezate y de pasiate
en prosición alrrior la tó capiella,
saborguemos en paz les alegríes
de la to romería aldeaniega,
qu' alluegu, fartuquinos, cantaremos
la danza prima de "la molinera"...
Y digo fartuquinos pos maxino
que tous trayemos daqué de cevera
y non farás con nos lo que fixiesti
co' los canteros de la leyenda
pos si topar topamos regodones
n'a goxa 'n que trayemos la tortiella,
la empanada y demás manducatoria
¡aguósenos la fiesta!

Que talo non farás sélo seguro
pos yes Madre bondosa y Madre tienra,
por eso yo te pido n' una oración postrera,
que tous los que hoy subimos al Carbayu
en xamás mos disviemos de to senda,
¡y atrócanos, Palomba, dende agora,
allá n' el cielu onde '1 to fíu reina,
un llugarín atopadizu y chuscu
en que viamos colar la vida etenra.

En el nome del Pá y n' el del Fíu
y del Espritu Santu.

Ansina sea.